



অবিলম্বে প্রকাশের উদ্দেশ্যে: 10/5/2023

গভর্নর ক্যাথি হোকল

গভর্নর হোকল নিউ ইয়র্ক স্টেটজুড়ে স্থানীয় পানি অবকাঠামো প্রকল্পসমূহের জন্য 234.5 মিলিয়ন মার্কিন ডলারের উপর আলোকপাত করলেন

আর্থিক সহায়তার অনুমোদন মিউনিসিপ্যালিটিগুলিকে জনস্বাস্থ্য এবং পরিবেশের ঝুঁকি হ্রাসকারী প্রকল্পে প্রয়োজনীয় মূলধন পাওয়ার অনুমোদন প্রদান করে

গভর্নর ক্যাথি হোকল আজকে ঘোষণা করেন যে নিউ ইয়র্ক স্টেটজুড়ে পানি অবকাঠামো উন্নয়ন প্রকল্পসমূহের জন্য পরিবেশ ফ্যাসিলিটিজ কর্পোরেশনের (Environmental Facilities Corporation, EFC) পরিচালনা পর্ষদ 234.5 মিলিয়ন মার্কিন ডলারের অনুমোদন দিয়েছে। বোর্ডের অনুমোদন মিউনিসিপ্যালিটিগুলিকে 226.8 মিলিয়ন মার্কিন ডলারের বেশি স্বল্প ব্যয়ের, স্বল্পমেয়াদের অর্থায়ন পাওয়ার এবং অতি গুরুত্বপূর্ণ পানি ও সিউয়ার অবকাঠামো প্রকল্পসমূহের কাজ শুরু করার জন্য পূর্বে ঘোষিত অনুদান পাওয়ার সুযোগ প্রদান করে, যার মধ্যে রয়েছে বন্যা প্রশমন ব্যবস্থা যা পানি বেড়ে যাওয়ার ঘটনা থেকে অতি গুরুত্বপূর্ণ পরিষ্কার পানি ব্যবস্থাকে সুরক্ষা দান করে।

"আমাদের স্টেটের পানি অবকাঠামোতে বিনিয়োগ করার মাধ্যমে আমরা আঞ্চলিক প্রবৃদ্ধি ও সমৃদ্ধির ভিত্তি স্থাপন করছি, এবং একই সাথে আমাদের প্রাকৃতিক সংস্থানের সুরক্ষা করছি," **গভর্নর হোকল বলেন।** "এই আর্থিক সহায়তা নিশ্চিত করতে সাহায্য করে যে পুরো স্টেটের সম্প্রদায়সমূহের জন্য অত্যাবশ্যকীয় অবকাঠামোর উন্নয়ন দ্বারা পরিশোধন ব্যবস্থার আধুনিকায়ন অব্যাহত রাখার ক্ষেত্রে খরচ কোনও প্রতিবন্ধকতা হবে না, যা নিউ ইয়র্কের জন্য আরো স্বাস্থ্যকর, আরো স্থিতিস্থাপক ভবিষ্যৎ নিয়ে আসতে সাহায্য করবে।"

এছাড়াও তিনটি বিদ্যমান প্রকল্পে অব্যাহত, দীর্ঘমেয়াদি ক্রয়ক্ষমতা নিশ্চিত করতে সাহায্য করার জন্য বোর্ড পদক্ষেপ নিয়েছে, এইসব প্রকল্পের ঋণ সেবায় মিউনিসিপ্যালিটিগুলিকে সাশ্রয় প্রদান করতে মোট 7.7 মিলিয়ন মার্কিন ডলারের দীর্ঘমেয়াদি অর্থায়নের অনুমোদন দিয়েছে।

আজকে অর্থায়নের জন্য অনুমোদিত প্রকল্পসমূহের মধ্যে, পরিষ্কার পানি স্থিতিস্থাপকতা প্রকল্পের জন্য বোর্ড 148 মিলিয়ন মার্কিন ডলারের অনুমোদন দিয়েছে যা 2012 সালের হারিকেন স্যান্ডি সৃষ্ট বিপর্যয়ের থেকে লং বীচ সিটির দীর্ঘমেয়াদি পুনরুদ্ধারকে সমর্থন করবে। অতি গুরুত্বপূর্ণ এই প্রকল্পটি বন্যা প্রশমনের ব্যবস্থা দ্বারা সিটির বর্জ্যপানি পরিশোধনাগার ব্যবস্থাকে নিরাপদ রাখবে, সিটির পানি দূষণ নিয়ন্ত্রণ প্ল্যান্টকে একটি পাম্প স্টেশনে রূপান্তর করবে এবং সেটিকে নাসাউ কাউন্টি সাউথ শোর রিক্রিমেশন ফ্যাসিলিটির সাথে সংযুক্ত করবে। চলমান বে

পার্ক কনভিয়েন্স প্রকল্পের সাথে একত্রে শহরের গৃহীত ব্যবস্থা ওয়েস্টার্ন বে এবং রেনল্ডস চ্যানেলের পানির মান উন্নত করবে। প্রকল্পটি নির্মাণের জন্য প্রয়োজনীয় প্রারম্ভিক মূলধন সিটিকে প্রদান করার জন্য EFC প্রকল্পের একটি অংশের পুনরায় অর্থায়ন করছে। ফেডারেল দুর্যোগ অনুদান কর্মসূচি কর্তৃক এই তহবিলের ব্যয়পূরণ করা হবে।

এছাড়াও বোর্ড একটি অনুদান ও সুদমুক্ত অর্থায়নের প্যাকেজের অনুমোদন করেছেন যেখানে স্টুভেন কাউন্টির বাথ গ্রামের জন্য 38 মিলিয়ন মার্কিন ডলার ফেডারেল দ্বিপক্ষীয় অবকাঠামো আইন (Bipartisan Infrastructure Law, BIL) তহবিল আছে। জল এবং পয়ঃনিষ্কাশন ভিত্তিক অবকাঠামোর BIL তহবিল স্টেট রিভলভিং ফান্ড (State Revolving Funds)-এর মাধ্যমে EFC কর্তৃক পরিচালিত হয়। চেজপিক বে ওয়াটারশেডে দূষণ হ্রাস করার জন্য প্রকল্পটি গ্রামের বর্জ্যপানি পরিশোধনাগারকে আধুনিকায়িত করবে এবং ভবিষ্যৎ বৃদ্ধি ও বিকাশের জন্য পরিশোধনাগারের ধারণক্ষমতা বৃদ্ধি করবে।

নিউ ইয়র্ক স্টেট পরিবেশ ফ্যাসিলিটিজ কর্পোরেশনের প্রেসিডেন্ট এবং প্রধান নির্বাহী কর্মকর্তা মরিন এ. কোলম্যান বলেন, "স্থানীয় সরকারে আমাদের অংশীদারদের সৃজনশীল অর্থায়ন সমাধান প্রদান করতে এবং অতি গুরুত্বপূর্ণ পানির মান অবকাঠামো প্রকল্পের কাজ সচল করতে আমাদের মিশন অগ্রসর করতে EFC সদা প্রস্তুত। EFC ইতিমধ্যে নাসাউ কাউন্টিতে চলমান বে পার্ক কনভিয়েন্স প্রকল্পের সমর্থনে 300 মিলিয়ন মার্কিন ডলারের প্রতিশ্রুতি প্রদান করেছে। লং বীচ সিটিকে এর দুর্যোগ পুনরুদ্ধারে সমর্থন করতে আরো 148 মিলিয়ন মার্কিন ডলারের প্রতিশ্রুতি অতি গুরুত্বপূর্ণ অবকাঠামো নিরাপদ রাখতে এবং জলবায়ু পরিবর্তনের প্রভাব সহ্য করার ক্ষমতা জোরদার করতে সম্প্রদায়সমূহকে তাদের প্রয়োজনীয় সংস্থান প্রদান করতে গভর্নর হোকলের প্রতিশ্রুতির উপর আলোকপাত করে।"

নিউ ইয়র্ক স্টেট পরিবেশ সংরক্ষণ বিভাগের (New York State Department of Environmental Conservation) কমিশনার এবং পরিবেশ ফ্যাসিলিটিজ কর্পোরেশনের বোর্ড সভাপতি ব্যাসিল সেগোস বলেন, "নিউ ইয়র্কের পানির সরবরাহ নিরাপদ রাখবে এবং একই সাথে আমাদের সম্প্রদায়সমূহকে দূষণের হাত থেকে এবং চরম আবহাওয়ার ঝুঁকি থেকে রক্ষা করতে গভর্নর হোকল প্রতিশ্রুতিবদ্ধ আছেন। আজকে, নিউ ইয়র্ক স্টেট মিউনিসিপ্যালিটিগুলিকে আরো বলীয়ান, আরো আধুনিক অবকাঠামো প্রকল্পের জন্য সমর্থন করছে যা পানির মান রক্ষা করতে এবং আমাদের সম্প্রদায়সমূহ যাতে ভবিষ্যতের ঝড় ও বন্যা সামাল দেওয়ার জন্য আরো ভালোভাবে প্রস্তুত থাকে তা নিশ্চিত করতে আমাদের চলমান প্রয়াসের সমর্থন করবে।"

নিউ ইয়র্ক স্টেটের স্টেট সচিব রবার্ট জে. রড্রিগেজ বলেন, "পরিষ্কার পানি অবকাঠামো সবুজ, স্বাস্থ্যকর এবং স্থিতিস্থাপক সম্প্রদায় বিকাশের ভিত্তি স্থাপন করে। এমন প্রকল্পে গভর্নর হোকলের অব্যাহত আর্থিক সমর্থন টেকসই অর্থনৈতিক বিকাশের প্রচার করবে, স্থানীয় সরকার যে আর্থিক চাপ অনুভব করছে তা হ্রাস করবে এবং জলবায়ু সম্পর্কিত প্রাকৃতিক দুর্যোগ থেকে নিউ ইয়র্কের সম্প্রদায়সমূহকে আরো সুরক্ষা প্রদান করবে।"

নিউ ইয়র্ক স্টেট স্বাস্থ্য বিভাগের (New York State Department of Health) কমিশনার ডাঃ জেমস ম্যাকডোনাল্ড বলেন, "গভর্নর হোকলের নেতৃত্ব ও পরিবেশ ফ্যাসিলিটিজ

কর্পোরেশনের কাজ নিশ্চিত করে যাতে বর্তমান ও আগামী অনেক বছর ধরে পরিষ্কার পানি এবং জনস্বাস্থ্যকে রক্ষা করার জন্য সম্প্রদায়সমূহের কাছে সংস্থান উপলভ্য থাকে। নতুন এই তহবিলটি পুরো নিউ ইয়র্কের মিউনিসিপ্যালিটিগুলিকে তাদের পানির ব্যবস্থা উন্নত করতে সাহায্য করবে যেহেতু জলবায়ু পরিবর্তনের ফলে আমরা আরো বেশি বন্যা ও চরম আবহাওয়ার সম্মুখীন হচ্ছি।"

স্টেটের সংখ্যাগরিষ্ঠ নেতা চাক শুমার বলেন, "লং আইল্যান্ড এবং হাডসন ভ্যালি থেকে ফিঙ্গার লেকস এবং ওয়েস্টের নিউ ইয়র্ক পর্যন্ত, দ্বিপক্ষীয় অবকাঠামো ও কর্মসংস্থান আইনে আমি যেই ঐতিহাসিক বিনিয়োগ নিশ্চিত করেছি তা প্রবাহিত হচ্ছে এবং পরিষ্কার, নিরাপদ খাওয়ার পানি নিশ্চিত করতে এবং পুরো গ্রাম্পায়ার স্টেটে বর্জ্যপানি অবকাঠামো প্রকল্পের অতি গুরুত্বপূর্ণ উন্নয়ন করতে কাজ সচল রাখছে। এই দীর্ঘ মেয়াদী প্রকল্পগুলো শুধুমাত্র নিউ ইয়র্কের জলকে স্বাস্থ্যকর এবং বিশুদ্ধ রাখতে সাহায্য করবে না বরং এর অর্থ হলো কমিউনিটিগুলোর জন্য অনেক ভালো বেতনের চাকরি এবং নিউ ইয়র্কে একটি ভালো ভবিষ্যত তৈরিতে সহায়তা করবে। এই প্রকল্পগুলোকে ত্বরান্বিত করতে এই গুরুত্বপূর্ণ ফেডারেল তহবিল সরবরাহ করতে পেরে আমি গর্বিত এবং আমি গভর্নর হোকলকে তার নেতৃত্বের জন্য সাধুবাদ জানাই। একত্রে, আমরা পুরো স্টেটে উন্নত জীবনযাত্রার মানের ভিত্তি স্থাপনে সাহায্য করছি, এবং নিউ ইয়র্কে এইসব ফেডারেল মার্কিন ডলার নিয়ে আসার লড়াই আমি কখনোই বন্ধ করবো না।"

স্টেটের সিনেটর কিস্টেন জিলিব্র্যান্ড বলেন, "পরিষ্কার পানি এমন অত্যাবশ্যকীয় অধিকার যা প্রত্যেক নিউ ইয়র্কবাসী ও আমেরিকানের প্রাপ্য। এইসব পানি অবকাঠামো প্রকল্প নিশ্চিত করবে যাতে নিউ ইয়র্কবাসীর কাছে নিরাপদ, নির্ভরযোগ্য খাওয়ার পানি পাওয়ার সুযোগ থাকে, এবং একই সাথে অতি গুরুত্বপূর্ণ বর্জ্যপানি পরিশোধন ব্যবস্থার সুরক্ষাদান করবে। দ্বিপক্ষীয় অবকাঠামো আইনের মাধ্যমে বাথ গ্রামের জন্য এই 38 মিলিয়ন মার্কিন ডলারের তহবিল নিশ্চিত করতে কাজ করতে পেরে আমি গর্বিত। নিউ ইয়র্কের পানি অবকাঠামোর উন্নয়নে গভর্নর হোকলের প্রয়াসের আমি প্রশংসা করছি এবং সকল নিউ ইয়র্কবাসী যাতে নিরাপদ, পরিষ্কার পানি পায় তার জন্য আমি কাজ চালিয়ে যাবো।"

বোর্ডের অনুমোদনের মধ্যে রয়েছে পরিষ্কার পানি স্টেট আর্ভিত তহবিল (Clean Water State Revolving Fund, CWSRF) এবং খাওয়ার পানি স্টেট আর্ভিত তহবিলের (Drinking Water State Revolving Fund, DWSRF) মাধ্যমে অর্থায়ন, এবং পানি অবকাঠামো উন্নয়ন অনুদান (Water Infrastructure Improvement, WIIA) ও ইন্টারমিউনিসিপ্যাল অনুদান (Intermunicipal Grant) কর্মসূচির অধীনে ইতিমধ্যে ঘোষিত অনুদান।

পরিচ্ছন্ন পানির প্রকল্পসমূহ:

- **বাথ গ্রাম, স্টুবেন কাউন্টি** - পরিপোষক অপসারণ ও জীবাণুমুক্তকরণ উন্নয়নসহ বর্জ্যপানি পরিশোধনাগার পরিকল্পনা, নকশা ও নির্মাণের জন্য 23,712,500 মার্কিন ডলার স্বল্পমেয়াদের সুদমুক্ত অর্থায়ন এবং BIL সাধারণ সম্পূরক তহবিল থেকে 14,767,125 মার্কিন ডলার অনুদান, সেই সাথে 1,287,500 মার্কিন ডলার স্বল্পমেয়াদের সুদমুক্ত অর্থায়ন এবং 2,722,500 মার্কিন ডলার CWSRF অনুদান।

- **লং বীচ সিটি, নাসাউ কাউন্টি** - লং বীচ সিটি বর্জ্যপানি পরিশোধনাগারকে একটি পাম্প স্টেশনে রূপান্তর করা এবং নাসাউ কাউন্টি সাউথ শোর রিক্রিমেশন ফ্যাসিলিটির সাথে সংযুক্ত করার জন্য 148,926,731 মার্কিন ডলার স্বল্পমেয়াদে, বাজার দরের অর্থায়ন।
- **লিন্ডেনভিল গ্রাম, অর্লিন্স কাউন্টি** - গ্রামের বর্জ্যপানি পরিশোধনাগারে জীবাণুমুক্তকরণ উন্নয়নের পরিকল্পনা, নকশা ও নির্মাণের জন্য 576,437 মার্কিন ডলার স্বল্পমেয়াদে সুদমুক্ত অর্থায়ন।
- **রাইনবেক গ্রাম, ডাচেস কাউন্টি** - গ্রামের বর্জ্যপানি পরিশোধনাগার এবং সংগ্রহ ব্যবস্থার উন্নয়নকাজের পরিকল্পনা, নকশা ও নির্মাণের জন্য 5,500,000 মার্কিন ডলার স্বল্পমেয়াদে সুদমুক্ত অর্থায়ন।
- **সাউথ ডেটন গ্রাম, ক্যাটারাগাস কাউন্টি** - গ্রামের বর্জ্যপানি পরিশোধনাগার এবং স্যানিটারি সংগ্রহ ব্যবস্থার উন্নয়নকাজের পরিকল্পনা, নকশা ও নির্মাণের জন্য 392,400 মার্কিন ডলার স্বল্পমেয়াদে সুদমুক্ত অর্থায়ন এবং 357,600 মার্কিন ডলার স্বল্পমেয়াদে বাজার ডলারের অর্থায়ন।

খাওয়ার পানির প্রকল্পসমূহ:

- **অ্যাবার্টসন পানি জেলা, নাসাউ কাউন্টি** - উদীয়মান দূষকের পরিশোধনের জন্য কুয়া 3A তে নতুন সরঞ্জাম ইনস্টল করার জন্য 3,000,000 মার্কিন ডলার WIIA অনুদান।
- **লিটল ভ্যালি গ্রাম, ক্যাটারাগাস কাউন্টি** - নতুন একটি কুয়া সরবরাহ ও কুয়ার ঘরের নির্মাণ ও স্থাপনের জন্য, বিদ্যমান কুয়ার উন্নয়ন, এবং গ্রামের বিভিন্ন এলাকার আনুমানিক 30,000 সরল ফুট ওয়াটার মেইনের প্রতিস্থাপনের জন্য 2,940,000 মার্কিন ডলার স্বল্পমেয়াদে সুদমুক্ত অর্থায়ন এবং 3,010,000 মার্কিন ডলার DWSRF অনুদান।
- **প্লেইনভিউ পানি জেলা, নাসাউ কাউন্টি** - উদীয়মান দূষকের পরিশোধনের জন্য প্লেইনভিউ পানি জেলার প্ল্যান্ট নম্বর 3 এবং 4 এ নতুন সরঞ্জাম স্থাপন করার জন্য মোট 6.4 মিলিয়ন মার্কিন ডলারের দুইটি WIIA অনুদান।
- **শোডাক টাউন, রেনসেলার কাউন্টি** - ভালভ, হাইড্রেন্ট এবং অন্যান্য সম্পর্কিত অ্যাপারটেনেসসহ 5,700 সরল ফুট ওয়াটার মেইন স্থাপন করার জন্য 709,200 মার্কিন ডলার WIIA অনুদান।
- **উইলসবরো টাউন, এসেক্স কাউন্টি** - একটি নতুন পানি পরিশোধনাগার নির্মাণের জন্য 2,495,525 মার্কিন ডলার স্বল্পমেয়াদে সুদমুক্ত অর্থায়ন, 4,991,048 মার্কিন ডলার স্বল্পমেয়াদে বাজার দরের অর্থায়ন এবং 5,000,000 মার্কিন ডলার WIIA অনুদান।

সম্পূর্ণ প্রকল্পের পুনরায় অর্থায়ন দীর্ঘমেয়াদি ঋণ সেবা সাশ্রয় অর্জন করবে

বোর্ড তিনটি বিদ্যমান প্রকল্পের জন্য মোট 7.7 মিলিয়ন মার্কিন ডলার দীর্ঘমেয়াদি পুনরায় অর্থায়ন অনুমোদন করেছে। স্বল্প-মেয়াদী অর্থায়ন প্রকল্পগুলোর ডিজাইন ও নির্মাণের জন্য মূলধন সরবরাহ করে। প্রকল্পের নির্মাণকাজ শেষ হয়ে গেলে, স্বল্পমেয়াদী অর্থায়ন সাধারণত 30 বছর পর্যন্ত দীর্ঘমেয়াদি তহবিল হিসেবে পুনরায় অর্থায়ন করা হয়, যার ফলে নিজেরা অর্থায়ন করার তুলনায় মিউনিসিপ্যালিটিগুলি উল্লেখজনক সুদ ব্যয় হ্রাস করতে পারে।

দীর্ঘমেয়াদি সুদমুক্ত অর্থায়নের জন্য অনুমোদিত প্রকল্পের মধ্যে আছে মন্টগোমারি কাউন্টির আমস্টারডাম সিটি, অ্যালোগানি কাউন্টির হিউম টাউন এবং শ্যাটাকোয়া কাউন্টির মেভিল গ্রাম। বর্তমান বাজার পরিস্থিতির ভিত্তিতে এইসব দীর্ঘমেয়াদি অর্থায়ন হার পরিশোধকারীদের সুদ পেমেন্ট এবং অর্থায়নের সময়কালে পূর্বে অনুমোদিত অনুদানে আনুমানিক 16.2 মিলিয়ন মার্কিন ডলার সাশ্রয় করবে বলা আশা করা যাচ্ছে।

পানির মানের প্রতি নিউ ইয়র্কের প্রতিশ্রুতি

2017 সাল থেকে বিশুদ্ধ জলের পরিকাঠামোতে নিউ ইয়র্ক স্টেটের দেশ-নেতৃস্থানীয় বিনিয়োগ যার মোট 5 বিলিয়ন ডলার। গভর্নর হোকলের নেতৃত্বে, 2023-24 প্রণীত বাজেটে পরিচ্ছন্ন জলের অর্থায়নের জন্য 500 মিলিয়ন ডলার অন্তর্ভুক্ত আছে। গভর্নর EFC-এর প্রযুক্তিগত সহায়তার কর্মসূচিকে প্রসারিত করতে এবং ক্ষুদ্র, গ্রামীণ, এবং সুবিধাবঞ্চিত সম্প্রদায়গুলিকে তাদের পরিচ্ছন্ন জলের পরিকাঠামোর চাহিদাগুলি পূরণের জন্য এই তহবিলটি ব্যবহার করতে সহায়তা করার জন্য এই বছর কমিউনিটি সহায়তার টিমগুলি চালু করেছেন। নিজেদের পানি অবকাঠামো নিয়ে সাহায্য প্রয়োজন এমন সকল সম্প্রদায়কে efc.ny.gov/CAT তে EFC এর সাথে যোগাযোগ করার জন্য উৎসাহিত করা যাচ্ছে।

ভোটের অনুমোদিত 4.2 বিলিয়ন মার্কিন ডলারের পরিষ্কার পানি, পরিচ্ছন্ন বায়ু এবং সবুজ কর্মসংস্থান পরিবেশ বন্ড আইন (Clean Water, Clean Air and Green Jobs Environmental Bond Act) বয়স্ক পানি অবকাঠামোর উন্নয়ন করতে এবং পানির মান রক্ষা করতে, সম্প্রদায়সমূহের চরম ঝড় ও বন্যা সহ্য করার ক্ষমতা বলীয়ান করতে, বায়ু দূষণ হ্রাস ও জলবায়ু পরিবর্তনকারী নিঃসরণ কম করতে, এবং আউটডোর স্পেস ও স্থানীয় ফার্ম সংরক্ষণ করতে ঐতিহাসিক মাত্রার অর্থায়ন অগ্রসর করছে। সুবিধাবঞ্চিত সম্প্রদায়সমূহ বন্ড আইন তহবিল সুবিধার কমপক্ষে 35 শতাংশ পাবে, এবং 40 শতাংশ প্রদানের লক্ষ্য থাকবে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)